

Sarkina Bt Mat Saad @ Shaari

From: Unit Komunikasi Korporat
Sent: Saturday, March 30, 2019 11:07 AM
To: UUM - All Staff; UUM - All Students
Subject: Penyertaan Sulung UUM Dalam Pameran LIMA'19 Buahkan Hasil



Unit Komunikasi Korporat
CORPORATE COMMUNICATION UNIT
Universiti Utara Malaysia

30 MAC 2019 / 23 REJAB 1440H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Seksyen Media UKK
Gambar oleh: Sekretariat LIMA'19 UUM

PENYERTAAN SULUNG UUM DALAM PAMERAN LIMA'19 BUAHKAN HASIL



SINTOK: Langkah Universiti Utara Malaysia (UUM) menyertai pameran Langkawi International Maritime and Aerospace Exhibition (LIMA'19) buat julung kalinya membuahkan hasil apabila berjaya menarik minat pelbagai agensi untuk bekerjasama dengan UUM.

Hasil daripada pameran LIMA'19 ini beberapa agensi kerajaan serta institusi pendidikan dalam dan luar negara telah menyatakan hasrat untuk berkolaborasi dengan UUM yang mengetengahkan hasil penyelidikan, kepakaran serta program akademik pada pameran itu.

Antara produk yang diketengahkan dalam LIMA'19 adalah *Aviation Management: Aviation Gamification Innovation (AGI) Prototypes* yang diketuai oleh Dr Rohafiz Sabar, *Logistics Support System* (Prof Madya Dr Azril Ismail), *Penang Port Games* (Shanizan Herman Mohd Radzi), *Surface Access in Aviation and Maritime Service Learning and Games* (Dr Nur Khairiel Anuar), *Senang Park & Saikolab* (Prof Madya Dr Shahrul Azmi Mohd Yusof).

Naib Canselor, Prof Dr Ahmad Bashawir Abdul Ghani berkata antara yang menyatakan minat untuk menjalinkan kerjasama dengan UUM adalah Kementerian Sumber Manusia.

"Kementerian Sumber Manusia menyatakan hasrat untuk berkolaborasi bersama UUM melalui Jabatan Sumber Manusia, Pusat Pengajian Peniagaan (SBM) UUM dan aplikasi *Saikolab* iaitu ujian psikometrik yang menilai sikap dan personaliti individu hasil penyelidikan Prof. Madya Dr. Shahrul Azmi Mohd. Yusof.

"Menteri Sumber Manusia, YB M.Kula Segaran Murugeson juga sempat meluangkan masa melawat *booth* pameran UUM dan meninggalkan maklumbalas positif terhadap usaha UUM itu.

"Selain itu cadangan oleh The Centre for Logistics and Transport (CeLT) dan Disaster Management Institute (DMI), Pusat Pengajian Pengurusan Teknologi dan Logistik (STML) UUM untuk bekerjasama dengan Angkatan Pertahanan Awam Malaysia dalam pengurusan logistik dan bencana diterima baik dan APM bersetuju untuk memeterai Memorandum Persefahaman (MoU) dengan UUM," tambah beliau.

Selain itu menurut Naib Canselor lagi, institusi pendidikan dalam dan luar negara juga berminat untuk berkolaborasi dengan UUM menerusi penganjuran bersama persidangan dan kolaborasi akademik-industri.

"Antara institusi pendidikan tinggi yang berminat menjalinkan kerjasama dengan UUM adalah UiTM menerusi Flight Technology & Test Centre (FTTC) dan Universiti-universiti di Selatan Australia melalui FLIR System Inc, Defense and Government, Australia."

"Malah Timbalan Menteri Komunikasi dan Multimedia, YB Eddin Syazlee Shith yang berkunjung ke *booth* UUM juga berminat untuk menjalankan kerjasama Teknologi Maklumat, Komunikasi dan Multimedia dan pengurusan golf khususnya melalui Akademi Golf Nasional UUM," jelas beliau.

LIMA'19 yang berlangsung di Pusat Pameran Antarabangsa Mahsuri (MIEC), dari 26-30 Mac merupakan penyertaan julung kali UUM dalam pameran berprestij antarabangsa tersebut, bertujuan mengetengahkan produk UUM khususnya hasil penyelidikan dan kepakaran universiti kepada masyarakat umum.

Penglibatan UUM dalam pameran ini juga merupakan sebahagian langkah pengantarabangsaan serta meningkatkan hubungan UUM dengan industri selaras dengan konsep Malaysia Incorporated yang diperkenalkan oleh YAB Tun Mahathir pada 1983 sebagai "strategi perindustrian" untuk menjalin hubungan simbiotik baharu dan perkongsian antara sektor awam dan swasta.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.